

# CJEPIVO / VAKCINA PROTIV BOLESTI COVID-19 - sažeta informacija



## Zašto se treba cijepiti / vakcinisati?

Cjepivo / vakcina štiti od razvoja teškog oblika bolesti COVID-19.



## Kako cjepivo / vakcina djeluje?

Cjepivo, vakcina stimulira imuni sistem da stvara antitijela, koja u slučaju kontakta sa koronavirusom (SARS-CoV-2) štite od razvoja teškog oblika bolesti COVID-19. Cjepiva / vakcine ne sadrže virus (SARS-CoV-2), stoga samo cijepivo / vakcina ne može prouzrokovati infekciju i bolest COVID-19.



## Da li je cjepivo / vakcina sigurno?

Da. Cjepivo / vakcina je testirano i odobreno od Evropske agencije za lijekove (EMA). Cjepivo / vakcina je sigurno i za osobe koje imaju visok krvni pritisak, šećernu bolest, srčana oboljenja i astmu.



## Ko se može cijepiti / vakcinisati?

Cijepiti / vakcinisati se mogu sve osobe starosone dobi od 5 godina i starije, nastanjene u Austriji, kao i osobe koje su samo zaposlen u Austriji (tzv. TagespendlerInnen) i one koje nemaju austrijski broj zdravstvenog osiguranja. Ukoliko ste trudnica ili imate druge bolesti ili povećan zdravstveni rizik, posavjetujte se prethodno s lijekarom o planiranom cijepljenju / vakcinaciji.



## Da li se trebate cijepiti / vakcinisati ako ste već preboljeli bolest COVID-19?

Nakon prebolovane SARS-CoV-2-infekcije (dokazane PCR testom), Nacionalni odbor za cijepljenje/vakcinaciju preporučuje, odgodu cijepljenja /vakcinacije za narednih 6 mjeseci. Prema dosadašnjim saznanjima u tom slučaju je dovoljno jedna doza cjepiva / vakcine. Podaci istraživanja ukazuju, da osobe koje su preboljele bolest i kod kojih je laboratorijski dokazana infekcija, trebaju samo jednu dozu cjepiva / vakcine, da bi se postigao isti stepen imuniteta kao kod osoba koje su cijepljene / vakcinisane dva puta i nisu preboljele bolest COVID-19.



## Da li cjepivo / vakcina protiv bolesti COVID-19 može izazvati nuspojave (neželjene reakcije)

Kao reakcija na cjepivo / vakcinu može se javiti glavobolja, crvenilo i bol na mjestu primjene cjepiva / vakcine, groznica i grčenje mišića. Ove nuspojave su česte i normane reakcije na cjepivo / vakcinu, koje uglavnom nestaju nakon nekoliko dana.

Nakon cijepljenja / vakcinacije ćete biti pod nadzorom medicinskih radnika još narednih 20 minuta, da bi se isključila mogućnost alergijskih reakcija.



## Kako možete rezervirati termin cijepljenja / vakcinacije?

Termin možete rezervirati putem internetske stranice [www.ooe-impft.at](http://www.ooe-impft.at)

Pritisnite na „Impftermin“ (termin cijepljenja/vakcinacije), zatim na „Jetzt Impftermin buchen“ (rezerviranje termina). Nakon što unesete lične podatke, možete odabrati slobodan termina na području cijele Gornje Austrije. Putem e-maila ćete dobiti pismenu potvrdu rezervisanog termina, koju je potrebno ponijeti na cijepljenje/vakcinaciju. Rezerviranje termina je moguće samo ukoliko imate austrijski broj zdravstvenog osiguranja.

U svim ostalim slučajevima, termin cijepljenja/vakcinacije se može dogovoriti putem e-maila upućenog na [buergerservice@ooe.gv.at](mailto:buergerservice@ooe.gv.at). Obavezno navedite svoje lične podatke: ime i prezime, okrug, poštanski broj, mjesto, ulicu, datum rođenja, broj telefona i e-mail adresu.



## Šta je potrebno ponijeti na cijepljenje / vakcinaciju?

- Važeću ispravu o identitetu (npr. pasoš, vozačku dozvolu)
- Karton cijepljenja/vakcinacije (ukoliko ga imate)
- Broj zdravstvenog osiguranja (npr. e-Card) važno za evidenciju u elektronski karton cijepljenja/vakcinacija!
- Informativni letak (Aufklärungsbogen) ispunjen i potpisan, kojeg možete pronaći na internetskoj stranici <https://www.sozialministerium.at/Corona/Corona-Schutzimpfung/Corona-Schutzimpfung---Durchfuehrung-und-Organisation.html>

Molimo obavijestite ljekare, koji Vas budu cijepili/vakcinisali, o bolestima i poznatim alergijama, ukoliko ih imate. Ponesite na cijepljenje/vakcinaciju i karton sa dokumentovanim alergijama, ukoliko ga imate.

Za pitanja u vezi cijepljenja/vakcinacije, molimo da se za savjet prethodno obratite ljekaru porodične medicine.

Dalje informacije o bolesti COVID-19 možete pronaći na internetskoj stranici [www.ooe-impft.at](http://www.ooe-impft.at)